

人物傳前志補遺目錄

毛鳳詔 毛昌本

戴世銘

鄭學川

巴 墳

時慶萊

姚必達

周廷禧

辛漢清

陳方墀 陳方坦

陳延祿

周鳳藻

劉開宏

唐鳴皋

周頤昌

蕭 焜

黃鼎銘

陳葆初 陳大生

目錄

人物傳前志補遺

人物傳第八 前志補遺

江都縣新志卷末

毛鳳詔字子丹一字遂村世居邵伯鎮爲著姓少孤季父瀚官蜀中往依焉瀚器其才令左右一切鳳詔爲瀚耳目匡其不逮吏役不敢欺以故所治輒登上考瀚奉諱歸鳳詔以母黃在堂將謀祿養入資爲布政司理問未及謁選適戚某作郡湖南固要入幕郡濱苗疆號難治鳳詔爲訂條教申約束恩威並施苗民悅服戚某遂倚鳳詔若左右手所言無不聽有進千金求關說者卻之明日三其數仍不受更五其數鳳詔怒將繫而置之法其人皇懼謝罪乃已嗣戚某罷歸鳳詔亦將筮仕適

卷末

人物傳前志補遺

一

會咸豐初東南之亂奉母避地江淮閒尋丁母憂家一燬於火再掠於兵貲蓄蕩盡而鳳詔處之怡然方盱眙吳勤惠棠初令江蘇與鳳詔互相重訂爲兄弟交旣而勤惠貴至開府而鳳詔方困厄未嘗一往干之有因鳳詔識勤惠者夤緣得美仕擁貲巨萬睹鳳詔貧莫之顧反眾誚之謂其不才鳳詔不與較遜謝而已鳳詔有弟無業不能自存育之終其身爲娶婦者再器皿衣物悉推與共戚黨以困乏告輒分所有子人而已之凍餒則不及計也性和易終身無急言遽色晚年目短於視日坐一室默誦經傳容止端莊無少倦怠年六十一卒

昌本字生甫鳳詔子生丁世亂年十五陷捻寇中自拔出隨父鳳詔避地山陽亂少定十八補諸生時鳳詔以積瘁失明家遭兵燹先業蕩盡昌本乃習名法家言以諸生爲諸侯上客者垂五十年平生足跡所至幾半中國操行廉潔脩脯外一介不取少不合卽謝去十應布政司試薦而不售者八終耻以佗途進嘗佐總漕文某幕興水利振災黎凡所擘畫悉當文意文欲破格疏薦昌本力卻之天性孝友髻齷邁王母黃喪哀逾成人其後丁母徐憂毀幾滅性浹旬閒須髮驟白鳳詔有兩弟貧無業舉室依昌本以活昌本推父之愛及於叔父爲任喪葬者六昏嫁者七其它戚族賴以舉火者甚眾以故所入輒罄終其身無餘財昌本學求經世工詩文書畫兼長篆刻而不欲以藝名以宣統元年己酉卒年六十有四子乃庸拔貢以文章名於時

鄭學川字書海諸生通經史大義能文章嗣以耽禪學

遂棄舉業問道於紅螺山瑞安法師由是博通釋典咸豐初避亂居泰州後閉關於江都東鄉之焦家蕩者數年徙居磚橋鎮鎮有別雞道院學川愛其幽僻因構精舍並矢願刻經遂於同治五年丙寅出家號妙空凡刻全藏近三千卷晚號刻經僧以光緒六年庚辰卒年五

十有五方學川生時母唐氏夢行腳僧至寤而遂生學川母早亡學川念母求超拔因奉佛父應房諸生亦嗜釋典號咫觀居士學川披薙後仍於老父奉養不衰人稱其孝所著述凡數十種弟子彙刻爲樓閣叢書云

時慶萊字蓬仙世居郡城籍儀徵同治甲戌進士由刑曹改知府分發浙江署台州紹興知府晉道員加二品頂戴仍留原省補用署杭嘉湖道糧儲道歷官咸有政聲當庚子義和團之亂慶萊適在杭嘉湖道任內僞詔至浙江巡撫劉樹棠將奉行慶萊知禍不可測旁皇終夜乃作一書抵布政使惲祖翼力言左道之不可恃浙

卷末

人物傳前志補遺

三

省伏莽遍地一經號召則亂民麇集爲患地方至大請其合力挽回祖翼聽其言爲密陳巡撫事得中止而衢溫兩府時以山僻尚未通電僞詔已頒不及收回越數日遂有鬧教戕官之事幸未蔓延否將全浙糜爛不可收拾慶萊此舉功莫大焉浙人至今感之著有政書二卷鐵石亭詩文集若干卷子寶賢諸生績學蚤世

周廷禧字味青諸生能文章知名於時咸豐間東南之亂避地海濱因入場大使署爲主文牘前後數十年於通泰海三分司所屬各場幾歷其半當光緒中葉以前場官尙尊雖巨商莫敢與抗禮其視幕賓亦然廷禧主

文牘凡商有所請得准駁之暮夜懷金造其門或遣人密致意廷禧皆拒而不受並自矢不與人言於所當准者初不以沽名故持駁議也所至官重其品而商亦感其誠性好吟詠老而彌篤著有詩集若干卷妻張氏賢而能貧持家有法與廷禧白首相莊人謂有鴻光之風焉卒年七十餘子二人鍾琦鍾瑋並諸生鍾琦精醫理以通判分發湖北客死荊州鍾瑋能文章甫中年邁疾遽卒廷禧遂無後而所著詩集亦並散逸

陳方墀字肖海浙江海甯諸生以先世兼祧外家因姓陳方墀富經世之學而於歷代鹽法利弊講求尤精居兩淮鹽運使幕府歷官十餘任前後數十年擘畫周詳官裕而商不病性廉介杜絕苞苴不可干以私人服其清從兄坦同時爲兩江總督幕府主持鹽政亦數十年同治初湘鄉曾文正公釐定兩淮鹽法到今人受其賜坦與有力焉著有淮鹺駁案類編行世

周鳳藻字密庵幼劬於學值咸豐初東南之亂避地瓜洲虹橋仍攻苦不輟及冠補諸生同治癸酉舉於鄉光緒丁丑成進士以知縣分發江西充發審局讞員者數年平亭疑獄人頌神明深爲大府所器歷知新建新昌萬載諸縣百廢具舉所至以能名兩爲江西鄉試同考

官得士稱盛卒以才見忌絀吏議晚年逍遙林下與諸
老友時爲茗會談論風生亶亶不倦自奉儉約而戚族
里黨之間以緩急告未嘗吝也工書兼善詩著有密庵
詩存待梓子二長鍾驥蚤世次鍾驊

來稿

唐鳴皋少有大志咸豐初東南之亂以文童投効軍營
充江北大營文案兼身先士卒歷著戰功累保以縣丞
分發湖北儘先補用加五品銜賞戴花翎嗣以積勞卒
於防次直隸總督李鴻章奏請從優賜卹奉旨給予祭
葬銀兩並雲騎尉世職子孫咸克世其家

來稿

蕭焜字南岑元籍淮安父桂贅於揚州劉氏因遂依外

卷末

人物傳前志補遺

五

家以居焜幼失怙恃未能竟讀長而自以爲憾涉獵書
史通知大義佔畢之儒或不逮也工書師顏平原得其
雄渾於當時好學能文之士靡不敬禮性敦篤言動不
苟尤持廉介不妄取與有古君子之風外孫何壽春李
曾麟俱幼孤露賴其教養之力得以成立後曾麟貴賤
贈如其官卒年七十有八

陳葆初字伯純世居戚家汊少孤母以鍼指助朝夕督
之學葆初致力甚劬困於童子試久之始補諸生旋以
高等食廩餼時母病久葆初日侍側奉湯藥焚香籲天
願以身代閱三年母獲少瘳人以爲孝感所致屢應布

政司試不售母曰文字亦關福命是不可強也年四十以例貢太學葆初感母言遂絕意進取里居教授以終其身成就弟子甚眾葆初天性敦篤姊適滕而寡貧無依迎之歸奉養終其身從子某蚤卒遺子女各一葆初撫育之子竟夭嫁其女士人族有女字人而夫夭歸其家守貞爲惡少所逼矢不從殺而支解之吏受賕不得直葆初爲訴於大府卒反其獄論惡少如律女旌於朝鄉里雀鼠之爭以葆初長者多勾其判曲直得一言無不服有業屠牛者葆初與以白金日耕藉其力而老食其肉汝心忍乎其人遂改悔卒年七十有八子二人長

卷末

人物傳前志補遺

六

書常諸生次熙臺並賢孝能世其家

大生字小雲葆初從子少能文章爲學使者臨川李大
理聯琇所賞補諸生家世儒素擁產不及中人藉授徒
以自給奉母撫弟妹里黨無閒言性高潔視齷齪者蔑
如中歲後益不耐俗並學徒亦謝去家居閉門日讀道
書兼研求宋儒性命之旨暇則課花自娛足不越戶限
者二十年年七十有七卒

戴世銘字新伯一字辛白儀徵諸生家郡城少好讀書
工文辭咸豐閒東南之亂轉徙兵閒未嘗廢學有聲譽
序晚而研求性命之旨於有宋五子書得其粹精被服

儒者從容中道性至孝當避亂窮鄉負米析薪躬執炊
爨甘旨之奉必誠必潔人以爲難著有砭俗山房詩文
集若干卷待梓子喬雲光緒癸卯舉人

巴塤字伯昌號雨峯先世歙人以業鹺居揚州籍儀徵
後式微塤性孝友早失母事後母崔克盡子道父健明
有羸疾不能治生塤遂棄儒而賈以贍其家侍父疾十
餘年如一日父歿教養異母弟妹凡九人昏嫁皆一身
任之咸豐初東南之亂郡城陷後母崔殉於難塤及諸
弟被俘至江南死者二塤得脫歸事平爲崔請旌於朝
以二子爲弟後塤踐履篤實家雖貧而喜施與能以詩

卷末

人物傳前志補遺

七

書教其子孫里中有長者之目云

來稿

姚必達字孝通性孝友幼以質魯失愛於父父中年邁
肝疾易怒小違其意卽撻之必達不敢避恐益其怒也
旣而父疽發於背肉腐潰臭惡醫不肯近必達以口吮
之醫感其孝乃爲施刀圭創遂合督諸弟讀令出就外
傳而已則袖一卷暇輒自課或篝鐙午夜不輟喜吟詠
時海上名士王韜輩署別號以所作秋柳諸詩登報紙
必達遙與相和往往爲所稱賞以款署蜀岡樵子人不
知爲必達也蚤世稿遂散佚僅手錄試帖二卷尙存
辛漢清字補芸性豪放少應童子試以不工爲制舉文

久未售善奕尤喜爲詩與臧吉士穀吉孝廉亮工諸名士游日徜徉於湖上以飲酒賦詩爲樂著有小游船詩百首一時傳誦臨桂況周儀采其二首入選巷叢談中又有續畫舫錄八卷懷才蚤世士論惜之

陳延祿字宜之父堅見前志延祿年二十補諸生有大志博覽載籍不屑屑科舉之學爲文汪洋恣肆而仍不失法度授徒仙女廟鎮迎母氏就養甘旨之奉必誠必潔延祿兄弟三人於次居季伯兄延祖諸生性曠達於家事瑣屑不以厝意仲兄延禮光緒癸卯舉於鄉客遊燕冀養親之責延祿獨任之母病嘗糞以卜其吉凶衣不解帶者累月人以爲難後假館金陵與同時諸名士爲觴詠之會交推重之以家貧立志不娶年三十七卒著有讀史隨筆若干卷

來稿

劉開宏字尙寬號含齋先世由江西新昌遷揚州居郡城而籍儀徵世習儒父元興遭兵燹以生計之迫乃棄儒就賈開宏習父業秉性寬仁從弟某早失怙恃開宏撫之至成立族有寡嫂迎養之終其身友人某死無以殮開宏市衾槨並爲遺嫠築室立貞堂俾得守節撫孤以終其志其見義勇爲類如此嘗設肆市米陰行厥善藉恤貧乏使族弟某經理之弟竟以博喪其貲開宏置

不問人服其量云

來稿

周頤昌字壽甫世居東鄉周家樓年十九補諸生能文章有聲庠序善化瞿相國鴻璣督學江蘇時賞其才調入南菁書院肄業頤昌講求經史之學讀書有得輒隨手記錄成雜記盈篋會改書院爲學堂頤昌本舊學以求新知於理財一門尤有心得方擬東渡求學以妻喪子幼不果於行鄉居數年地方凡有興革率以身先嘗有劇盜數人潛逆旅中將乘夜劫其鄉富室或偵知之密以告頤昌糾鄉人出不意掩捕之無一漏網者其臨事果決如此事母許以孝聞處兄弟友愛無閒年三十有七卒士論惜之

卷末

人物傳前志補遺

九

黃鼎銘字錄奇世居郡城籍儀徵弱冠補諸生旋食廩餼工文章有聲庠序屢應布政司試未售宣統庚戌以歲貢應會考列二等以知縣用籤分河南鼎銘澹於榮利未久卽歸奉母性至孝與弟鼎銳相友愛白首怡怡年五十六卒時母嚴年九十尚無恙鼎銘臨訣以不克終養爲憾聞者哀之書法北朝得其逸趣能詩所作多隨手棄去惟揚州好及四書詩尚存

人物傳卷八終

陳懋森編纂